




# 中國大運河歷史文獻集成

33



主編 王雲 李泉

國家圖書館出版社

### 第三十三册目錄

江蘇水利全書圖說	清·陶澍等輯	.....	一
下河水利新編	清·孫應科撰	.....	三九五
水道源流	清·胡宣慶撰	.....	四二五

〔清〕陶澍等輯

江蘇水利全書圖說

清道光刻本

# 江蘇水利全圖說

《江蘇水利全圖說》，陶澍等編輯。陶澍字子霖，號雲汀，湖南安化人。嘉慶七年（一八〇二）進士，改翰林院庶吉士。先後任江南、陝西道監察御史、戶部給事中、吏部給事中。道光元年（一八二一）後任福建按察使、安徽布政使，遷安徽巡撫。道光十年升任兩江總督，兼管兩淮鹽政。後與江蘇巡撫林則徐共同主持興辦諸多水利工程。加官至宮保尚書、太子少保。著作有《印心石屋文集》、《奏議》、《陶桓公年譜》、《陶淵明集輯注》、《靖節年譜》、《蜀輶日記》等。道光十九年六月卒，謚文毅。

本書載道光五年至十五年陶澍任江蘇巡撫和兩江總督期間疏浚河道、興辦水利的奏疏、呈文、往來公文、勘測報告、工程開支等方面的檔案資料等。卷首列江蘇水利全圖等數幅，均附有文字說明。正文分別載錄各河道工程檔案，均稱全案。「重浚吳淞江全案」五卷，前四卷載錄陶澍等人道光五年以來關於治理吳淞江的奏折、各級官員的呈文、工程方案預算及開支清冊等，第五卷載陶澍、梁章鉅等人咏吳淞江工程的詩文。「重浚劉河全案」三卷、「重浚白茆河全案」二卷，載陶澍、林則徐的治河奏疏，治河方案，地方官員的往來公文等。「重浚七浦河全案」一卷，載太倉州知州關於七浦河的勘察報告、重浚方案、工程情況、工程開支清冊等。「重浚孟瀆等三河全案」載重新疏浚孟瀆、德勝河、澡港河的檔案共五卷。內容包括陶澍的奏疏、地方官員的報告呈文、往來文書、工程估算、各項工程的開支列表等。「重浚徒陽運河全案」三卷。載江蘇巡撫林則徐的四篇奏疏，林則徐為挑挖徒陽運河所定的十八條章程，丹徒、丹陽兩縣的工程情況報告，江蘇布政使關於挑浚運河所作的工程勘測、預算、夫役安排、工段劃分、費用收支等方面的文書。「重浚江寧城河全案」一卷，載道光十年兩江總督蔣攸銓、江蘇巡撫陶澍請求疏浚上述兩河的奏疏及道光十三年兩江總督陶澍、江蘇巡撫林則徐在河工完成後請求對有關人員進行獎勵的奏疏。還有道光九年至道光十四年間江蘇布政使等關於修浚秦淮河及下河、北河的往來公文，上書兩江總督請求獎勵有功人員的呈文及兩江總督的批文等。「重浚蘇州府城河案」一卷，載江蘇布政使、蘇州知府關於請示疏浚省城河道、工程狀況及費用開支情況的公文。

此書載錄道光年間疏通修治江蘇南部運河及相關河道的奏疏、公文、報告、往來文書、工程勘測、工程預算、夫役使用、費用收支清冊，大都照錄檔案材料，編排有序，清晰明瞭，查閱方便，保存了大量第一手資料，對於研究當時運河及其他河流的挑挖治理，具有極其重要的價值。此書有道光刻本，藏國家圖書館。《中國山水志叢刊·水志卷》影印此刻本。

本書以清道光刻本為底本影印。（李衆）

# 江蘇水利全書圖說

水利全書繪圖例略

志地之書繪圖皆北上而江南通志於江淮河三水

圖則北上蓋就水之形勢也乾隆五十一年

廷寄湖廣總督武陵白沙隄工圖樣南北倒置不便閱看

嗣後勿再舛錯故近今續修行水金鑑中各圖皆南向

觀之海運全案所繪吳淞江圖亦同今此書繪列之

圖悉用是例

圖用開方法如阜昌禹蹟圖每方百里是也今按以

吳中疆域祇能一方一里然每里各縱橫三百六十

步計各二百一十六丈以河寬二十丈者僅居里十



圖說


分之一而弱也况書版高不過六寸每行至多析為二十格是每格見方寬廣僅三分以二十丈之河居三分一里之格在其中祇宜一縷若以次遞減之支河亦何從著筆今繪諸圖不復界畫方格

首列江蘇水道圖一詳地界方位也次太湖全圖一蘇省水利之大綱也次吳淞江圖二劉河圖一劉河卽婁江次泖湖圖一泖湖今爲黃浦之源足當東江三者皆太湖入海之道也次白茆河圖一附徐六涇圖一七浦圖一皆分洩太湖之水者也次孟瀆德勝溧港三河圖各一常郡資以灌田濟運者也次練湖

圖說二

圖一附張官渡廂圖一亦以濟運者也次徒陽二縣境運河全圖一江浙轉漕之道歲所濬治者也次附蘇州府城河圖一江寧府城河圖一皆重濬之以便民者也






江蘇布政司所屬蘇州松江常州鎮江四府太倉一州領縣凡三十有二其為田地山蕩灘塗峯溇等則共二十四萬七千一百一十五頃有奇應納銀二百一十五萬兩本色米豆一百九十九萬一千八百石壤地不博財賦素繁此農田水利之不可不亟亟也數年來各郡之餘河若吳淞江劉家港三泖七浦白茆孟瀆者多為重濬矣而漕運之道出於京口者亦講求深通設厝以資輸送今並各縣之水次以達運者總繪為圖

國計民生職宜慎重者焉

# 太湖全圖








太湖

太湖廣三萬六千頃在蘇州府者十之五為吳縣長  
 洲吳江震澤四縣界在常州府者十之三為無錫陽  
 湖宜興荆溪四縣界其在浙江湖州府者十之二為  
 烏程長興二縣界其來源則自廣通設壩宣歙金陵  
 之水不入矣今惟天目四安諸水會於霅苕以入者  
 為大而金壇溧陽各山水注為百瀆者亦自西北來  
 以歸於湖也其東出也則自吳家港瓜涇港鮎魚口  
 牛毛墩浪打川等處分布於三江漫衍迤邐以入海  
 雖其中菱蕩菱塘或設為魚簾停泥斷港久之多佔  
 成田然東南之澤要為最巨誠水利之大綱哉

# 吳淞江全圖



吳淞江







江蘇巡撫 臣陶澍跪

奏竊 臣查江浙水利莫大於太湖其分洩入海之路有

三一曰吳淞江即太湖正流也一曰黃浦即東江也

一曰劉河即婁江也吳淞最大自分流南入黃浦而

吳淞日微劉河亦逐漸增淤矣每遇霖潦水無所歸

滂而成災議者但咎水利不修由於上流不疾下流

遂淤之所致欲舉全省之湖塘浦汊而挑之濬之撈

之無論工費浩大亦無如許人力就使挑空全通建

瓴直下而水無滯蓄一瀉無餘豈民田之利哉夫太

湖號稱三百餘里其實祇係數澤寬而不深所收江

浙及宣歙諸水發源不遠不過三五百里而止東及

海濱亦止二三百里源短而流亦短非如洞庭彭蠡

有千數百里之來源也而所灌蘇松常太杭嘉湖數

府州之田畝以億萬計漕糧居天下之大半皆恃太

湖為之潤漑此不徒憂勞而並宜防旱也其間縱浦

橫塘十灣九曲皆天然之溝洫所以資蓄洩而猶不

免於偏災偶見者其來有漸殆非一朝夕之故究其

弊端多由民田侵佔爭及尺寸而江流日隘兼自明

代以來言水利者往往不顧全局遇有壅滯不治其

本而別開津汊以苟一時之利以致支流愈分正流

日塞然此二者之為害猶顯而易見惟吳淞江口建

閘一事則不但不究其害而羣且議以為利謂潮來

下板可以遏沙潮退啟板清水仍可暢出其說似是

而非夫吳淞為禹貢三江之一與岷江浙江並列乃

天地所以吞吐陰陽之氣非如無源之港汊可以扼

其吭而為之節也海潮既能挾沙而來即能挾沙而

去如岷江浙江其委未嘗置閘而沙固未嘗淤也况

江身亦自有淤泥尚欲藉潮退之勢推卸以入海一

經置閘內外隔絕潮水之挾沙而上者無江水為之

回送而沙停於閘外矣江水之挾泥而下者無潮水

為之掣卸而泥停於閘內矣 臣 此大遵

旨覆勘工程由青浦華亭至上海親見黃浦無閘而海潮

鼓盪江面闊深吳淞江有老閘又有金家灣新閘而

沙泥停積數十里水小如溝船隻往來反俟潮水為

之浮送詢問土人僉稱老閘建自康熙年間甫成即

圯新閘成於乾隆二年亦止虛設難於下板緣閘距

吳淞黃浦合流之處僅六七里全潮灌入非閘所能

禦該處沙土鬆浮一經下板閘身震動是以徒有歲

給閘夫銀兩毫無實濟轉足以阻礙船行停滯沙泥

幸上年估工未修並未糜費臣思吳淞江爲江浙水利第一樞紐其上源不宜直瀉所以蓄水勢而口門則斷不可梗塞以致停淤也石閘有害無利應行拆除其閘前閘後所積沙泥併沿江灣曲淺灘均應設法疏挑俾資通順以利全省似未可以經費未充遂爲停歇容臣與督臣再細確商飭司妥議一俟籌有成局另行確估興工至三吳農田絕少隄圩每虞潦澇惟有照業食佃力之法於隆冬閒暇時按畝出夫一二名挑淺濬深卽因出土以爲圩圍每歲通力合作以三日爲率約計出土可高一二尺越三四歲而

重濟吳淞江全案

卷一

三

圩圍可成矣但須良有司久任而民信從者始能爲之此則微臣目前所未逮而有志焉者也所有勘視水道並擬續辦吳淞水利緣由謹附片具陳伏乞

聖鑒訓示謹

奏

道光五年七月二十三日具

奏道光五年八月二十九日在江寧公署奉到

硃批另有旨欽此同日奉到道光五年八月十三日奉

上諭陶澍奏吳淞江口所建石閘有害無利老閘甫成卽

圯新閘亦止虛設難於下板徒有歲給閘夫銀兩毫無

實濟應行拆除等語吳淞江爲江浙水利關鍵原建閘座本爲禦潮而設若果如該撫所勘情形不但不能禦潮轉足以阻礙船行停滯沙泥自應拆除以利水道惟當時屢次建閘自非無因且現有議以爲利者亦未可遽行拆去著該撫與琦善再行詳勘情形細心商確如果必應拆除另行飭司妥議確估辦理此閘經歷有年且現在南河興舉要工卽從緩辦亦無不可也將此諭知陶澍並諭琦善知之欽此

重濟吳淞江全案

卷一

四

大學士兩江總督臣蔣攸銛江蘇巡撫臣陶澍跪  
奏為籌備挑濬吳淞江銀款恭摺具

奏仰祈

聖鑒事竊照蘇省吳淞江自吳江震澤二縣起至上海縣  
與黃浦合流之處綿亘二百數十里為太湖自西達  
東正流蘇松太及浙江省之杭嘉湖六府州屬水利  
攸關前於道光三年蘇松等屬雨水成災經前督臣  
孫玉庭撫臣韓文綺查係吳淞江等處淤塞所致籌  
議疏通擇要與挑約計估需土方等銀四十萬一千  
餘兩循照三江水利成案借

重濬吳淞江全案

卷一

五

帑興辦於捐監銀兩內借動給發分年攤徵還款嗣因  
高堰興辦大工集夫不易經前督臣魏元煜撫臣張  
師誠議將黃浦下注一路水道估銀七萬七千一百  
餘兩之工先為挑濬其吳淞等處工段因捐監銀兩  
續經解部無款可籌

奏準暫停數年俟經費充足有款可借再行勘辦在案

臣陶澍於道光五年六月莅任遵

旨覆勘黃浦下注挑工時順道詣吳淞周歷勘視沿江灣  
曲淺灘節節淤滯當經附片聲明仍應設法疏挑以  
利全省未可以經費未充遂為停歇復經飭司籌議

去後茲據蘇州藩司梁章鉅署江蘇臬司潘恭常護

理蘇松太道陳燮會詳稱吳淞江前因淤塞日久議

請借項興挑仍於得沾水利州縣各花戶名下徵還

歸款嗣奉部飭一切工程概行停止緩辦遂爾中止

本年五月藩司梁章鉅因查勘泖湖復赴吳淞江一

帶勘得該處淤墊愈甚必須大加濬治統計數十里

內切灘築岸打壩挑河非照四年分所估銀三十餘

萬兩之數不能有濟當查松江府志載前明及我

朝康熙年間均係截雷江浙兩省折漕銀兩以充挑濬吳

淞江工費現當

重濬吳淞江全案

卷一

六

國用浩繁之際動

帑固難踵行即前議借墊攤還而蘇松各屬自道光三

年水災後民間元氣未復近年以來時有偏災緩徵

錢漕新陳並納力已不逮恐借

帑墊辦亦難於攤徵歸款此外又無鉅款可籌兼查本

年新漕欽奉

諭旨仍由海運則吳淞江為各州縣駁運米石經由要道

尤應趕緊興辦以免繞道黃浦致虞疏失未便因現

當停緩工程期內拘泥貽誤伏查蘇松常鎮太四府

一州漕糧項下應徵贈五及白糧盤耗運飯等米九

萬八千七百餘石河運年分本係給丁之款上屆米由海運無須給丁節省存倉當經

奏準糶變每石照時價酌定銀二兩二錢五分共收米價銀二十二萬二千餘兩解歸道庫報撥在案來春復辦海運贈五等米亦應歸節省可否將此項節省米石照案仍請糶變並請將糶存米價免其報撥作為挑濬吳淞江經費以海運節省之米價即為挑辦海運駁米河道之用不但各屬駁船免涉黃浦波濤之險而吳淞江六十餘里淤墊盡除為各郡農田收禾賴之利上無損於

重濬吳淞江全案

卷一

七

帑藏下不累及閭閻且

國計民生理應並重同一節省之款上屆報撥以裕課今次動用以免徵籌

國籌民兩有裨益雖覈照原估挑費尚有未敷仍可在外籌湊惟前項挑濬工程九十月間必當及早舉辦而本年節省之米須俟全漕完竣後截數次年三四月間始能照時價出糶應請先於本年平糶緩漕米價銀內暫借銀二十餘萬兩給發領辦以便及時興工仍俟明春將節省各款米石變價銀兩如數歸款如此一轉移間要工既得速舉而民田運道永資利

賴等情詳請具

奏前來臣等伏查吳淞江為數郡農田蓄洩所資亦係民商船隻經由要道現辦海運駁船來往尤關緊要所有挑濬工需自應早為籌計惟

國家經費有常自未便遽請動款據藩司會同臬司蘇松太道詳請將來年復辦海運案內節省贈五等米照案糶變其糶出價值請免報撥畱作挑濬吳淞江經費尙有不敷由外籌措係屬以公濟公並非動用正項錢糧可比惟此項挑濬工程九十月間即須及早舉辦請先於本年平糶緩漕米價銀內暫借銀二十餘萬兩給發領辦以便及時興工俾得利漕便民相應據實

重濬吳淞江全案

卷一

八

奏明請

旨施行如蒙

俞允所有暫借緩漕平糶銀兩一俟明春將海運節省各款米石變價出糶立即歸還正款不致延宕除飭趕緊確勘估計另行奏報外所有籌備挑濬吳淞江銀款緣由謹合詞恭摺具奏伏乞

皇上聖鑒訓示謹

奏

道光七年七月十五日具

奏道光七年八月二十日奉到

硃批另有旨欽此同日並奉道光七年八月初四日內閣奉

上諭蔣攸銛等奏籌備挑濬吳淞江銀款及時興辦一摺江蘇省二江水利前曾議準興辦嗣因高堰興辦大工集夫不易僅將黃浦一路水道先為挑濬吳淞各工暫行停辦昨據御史李鵬奏請及早設法疏濬當經降旨

重濬吳淞江全案

卷一

九

令該督等籌議勘辦茲蔣攸銛等於未經接奉諭旨之先已議籌款挑濬著照所請準其將明年辦理海運案內節省蘇松常鎮太四府一州應徵贈五等米糶變價銀留為挑濬經費先於本年平糶緩漕米價銀內借動銀二十餘萬兩及早給發領辦所借銀兩俟明年春將海運節省各款米石變價後即行還款該督等即遴派道府大員詳勘確估如法疏治務期農田水道實有裨益俟挑工完竣著陶澍親往驗收勿任草率偷減覈實報部查銷欽此

江蘇道監察御史 李鵬跪

奏為疏濬東南水利以備旱潦而利農田恭摺奏

聞仰祈

聖鑒事竊照江蘇為財賦最重之區蘇松常鎮四府加以浙西杭嘉湖三府周圍不及千里糧賦半於天下其額漕二百五十餘萬石稷米祿糶皆取給焉其田之所以產米多而歲常豐者實藉水利之有備以補天時之不齊也今則一遇水旱為災動請蠲緩賑卹兼施耗

重濬吳淞江全案

卷一

十

帑以千百萬計蓋由近年支幹各河大半淤塞旱則無所儲蓄以資灌溉澇則無從宣洩以保禾苗而小民狃於目前之利尺寸之土在所必爭或於漲灘私植芟蘆或於河港編列漁罟皆係沙積泥淤之由以致河流不暢河湖阻塞地方官憚於興舉大工因循遷延畏難不辦害民費帑為患日甚伏查浙西諸郡惟蘇松最居下游以杭嘉湖宣歙諸路之水潴為太湖流注於蘇松常三郡之中而入海之路則惟三江其東北由劉河入海者婁江也東南由黃浦入海者東江也吳淞一江乃太湖之正脈獨當其中所有湖蕩塘浦無不貫通三江俱